

現在西安之概況

沿革	行政	報紙	建築	風俗	最高學府	食宿
形勢	交通	人口	古跡	宗教	普通教育	遊覽
城池	實業	產物	文化	方言	通俗教育	婦女
街市	金融	民生	藝術	民性	慈善事業	其他

一 西安之沿革

陝西行省之名，始於元中統三年，因地居陝原之西，故得此名。在夏商周三代，均稱此地爲「雍州」。其省城卽舊西安府城，周秦漢西魏北周隋唐七朝，均都於此或其附近之地。西安二字本明府名，爲元之安西路；明改爲西安府，卽元之「安西」義。去今省城西南三十里，澧水之東，有周之鎬邑，卽宗周，故西安亦稱「鎬京」；或又曰「西京」。「西都」者，則指洛陽開封爲「東京」。「東都」而言也。西安府治舊轄長安咸寧二縣，長安在西，本故秦鄉名，漢改爲縣；咸寧在東，卽唐

現在西安之概況

西京之現況

二

之萬年縣，天寶初改爲咸寧，今廢去併入長安。要之，周初都鎬，迨遷洛陽以後，鎬京卽廢。秦一中國，定都咸陽，咸陽宮廢，阿房繼起。後項羽入關，阿房被焚，而漢之未央宮成。未央廢後，而隋在今長安所建新都又起。唐初曾擴大隋部，其後復又縮小。（按唐都初名京城，天寶初曰西京，至德二年曰中京，上元二年復曰西京，肅宗初則曰上都。城東西十八里餘，南北十五里餘，周共六十七里。）以上各舊城之故跡，今存者實甚微少。至明洪武初年，陝西都督濮英乃重修唐之舊城。清室因之，僅有修補。及於民國，更只沿其舊觀。今「西安」「西京」之於「長安」亦猶「南京」「首都」之於「江寧」也。

一一 西安之形勢

陝西東瀕黃河，西連隴坂，南據漢水，北屆沙漠，爲中國歷朝武功最盛之周秦漢唐四朝發祥之地。且四境之內有百二雄關，今略舉之，則東爲函谷，西爲蕭關，東南爲武關，西南爲散關，其餘不勝指屈者尙多，故陝西古時亦稱「關中」，其形勢至爲險固。西安在地球北緯三十四度二十四分，及東經一百零九度四分之地位。氣候冷熱尙屬中和，惟少風雨，稍嫌乾燥；而冬日則又陰天甚

多，頗覺淒悶。其於陝西，則居於全省中部。四方最接近之隣縣有六計：東至隴潼五十里，西至咸陽五十里，東南至藍田八十里，西南至鄠縣七十里，東北至高陵七十里，西北至涇陽六十里。其地當隴海路之要衝，亦即我國東西交通之重鎮。將來隴海鐵路及西安至漢中榆林之南北二汽車路完成後，則今日貧苦之西安，即可漸進於小康。彼時再用巨款，將西安至白河或湖北之老河口間開一汽車路，（因此路山嶺極多，故須巨款建築，白河爲陝間之水陸大商埠），以吸收湖北之財賦，並推銷本省之土產。同時並將粵漢鐵路迅速完成，俾西北各地與東南西南各省可以直接交換本地之土產，並可溝通全國東西南北之氣脈。最後復將各汽車路改建鐵道，或另闢路線以通火車，是則西安之發展，必更不可限量。若不如此開關交通，無論如何建設西京城市，而西安終必成爲四面封鎖之死地。

二 西安之城池

今陝西省城，即明漢英因隋唐舊城所建，除東西南北四郭外，計東西長七里餘，南北長五里，爲一大長方形，約與北平之外城相同。周圍二十四五華里，（有稱爲四十里者不確，計一一九八

現在西安之概況

八〇〇方丈。城高三丈四尺，基厚六丈，頂厚三丈。舊有門四：東曰長樂，西曰安定，南曰永寧，北曰安遠。惟東西二門稍偏於城南，故城之北半部較大，南半部較小。東西南北四門之外均附護城，其上並築箭樓。各城門樓箭樓之宏偉，俱與北平前門城樓相似，其高約達十丈。城之四隅並有角樓四座，繞城有敵樓九十八處，此亦爲明時所建。此外尙有二新門：東曰中山，西曰玉祥，均爲馮煥章氏軍隊在陝時所闢者。現在鐘樓東北二大街處，清時原有城牆一道，接連省城之東北部，總稱爲滿城，爲滿人駐防之特別處所。迨民國成立後，滿城即拆去，僅留其中之故明秦王府焉。總之，西安全城之整齊堅固，謂爲全國各大城池之冠，實非過譽。明洪武十七年，守官於城之中心建鐘樓一座，凡三層，高十丈零六尺八寸九分。再西去約半里，又建鼓樓一座，凡四層，高八丈六尺六寸四分。其後明崇禎末年，巡撫孫傳庭又築四郭，即今四關所依爲藩籬者也。

四 西安之街市

西安居中國內部交通之要衝，亦爲中國中部一大城市。（就全國版圖言，西安本居中國之中心，近年人皆稱此地爲「西北」者實誤。）其各街市均甚寬闊整齊，各處房屋亦皆高大一致。